



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

XXXIII. Quod nullus iuxta propriam voluntatem incedat.

**urn:nbn:de:hbz:466:1-15588**

XXXIII.

ANNO  
CHRISTI  
1127.

*Quod nullus iuxta propriam voluntatem incedat.*

Conuenit his nempe militibus, qui nihil sibi Christo carius existimant, propter seruitum, secundum quod professi, & propter gloriam summæ beatitudinis, vel metum gehennæ, ut obedientiam in desinenter magistro teneant. Tenenda est itaque, ut mox, vbi aliquid imperatum a magistro fuerit, vel ab illo cui magister mandatum dederit, sine mora, ac si diuinitus imperetur, moram pati nesciant in faciendo. De talibus enim ipsa Veritas dicit:

*Ab auditu auris obediuit mihi.*

XXXIV.

*Si licet ire per villam sine iussu magistri.*

Ergo hospitales milites propriam voluntatem relinquentes, & alios ad terminum seruientes, deprecamur, & firmiter eis iubemus, ut sine magistri licentia, vel cui creditum hoc fuerit, in villam ire non presumant, praeterquam noctu ad sepulcrum, & ad stationes quæ intra muros sanctæ ciuitatis continentur.

XXXV.

*Si licet eum ambulare solum.*

Hi vero ita ambulantes, non sine custode, id est militite aut fratre remanente, nec in die nec in nocte iter inchoare audeant. In exercitu namque postquam hospitati fuerint, nullus miles vel armiger aut alias per atria aliorum militum causa videndi, vel cum aliquo loquendi sine iussu, ut dictum est superius, incedat. Itaque consilio affirmamus, ut in tali domo ordinata a Deo nullus secundum proprietatem militet aut quiescat, sed secundum magistri imperium totus se incumbat ut illam Domini sententiam imitari valeat, qua dicit: *Non veni facere voluntatem meam, sed eius qui me misit.*

XXXVI.

*Vt nullus nominatim quod ei necessarium erit querat.*

Hanc proprie consuetudinem inter cetera adscribere iubemus, & cum omni consideratione ob querendi vi-